

南熏化猶闕於東戶、粵得參議從三位行左大辨兼皇后宮大夫大和守佐伯宿禰今毛人等奏云去四月晦日有赤雀一隻集于皇后宮或翔止廳上或跳梁庭中貌甚閑逸色亦奇異晨夕栖息旬日不去者仍下所司令檢圖謀孫氏瑞應圖曰赤雀者瑞鳥也王者奉己儉約動作應天時則見是知朕之庸虛豈致此覲良由宗社積德餘慶所覃既叶舊典之上瑞式表新邑之嘉祥奉天休而倍惕荷靈覲以逾競思敦弘澤以答上玄宜天下有位及內外文武官把笏者賜爵一級但有蔭者各依本蔭四世五世及承嫡六世已下王年二十以上並叙六位又五位已上子孫年二十已上叙當蔭階正六位上者免當戶今年租其山背國者皇都初建既爲輦下慶賞所被合殊常倫今年田租特宜全免又長岡村百姓家入大宮處者一同京戶之例六月癸酉勅曰去五月十九日緣皇后宮有赤雀之瑞普賜天下有位爵一級但宮司者是祥瑞出處也當加褒賞以答靈覲宜宮司主典已上不論六位五位進爵一級辛巳右大臣從二位兼中衛大將臣藤原朝臣是公等率百官上慶瑞表略中詔報曰乾坤表覲休瑞荐彰白鸞構巢於前春赤雀來儀於後夏寔惟宗社攸祉群卿所諧朕之庸虛何應於此但當與卿等勉理政化上答天休省所來賀祇懼兼懷是日授皇后宮大夫從三位佐伯宿禰今毛人正三位亮從五位上笠朝臣名末呂正五位下大進從五位下藤原朝臣真作少進從五位下安倍朝臣廣津麻呂並從五位上大屬正六位上阿閉間人臣人足少屬正六位上林連浦海並外從五位上

續日本紀四十延曆十三年六月壬戌肥前國獻白雀

〔類聚國史百六十五〕延曆十四年正月甲午朔皇帝○桓武御大極殿受朝賀石見國獻白雀

〔類聚國史歲時〕延曆十五年正月甲午朔皇帝○桓武御大極殿受朝賀太宰府獻白雀宴侍臣已上於前殿賜